


5518
117

D. D.
DISSERTATIO ACADEMICA,
SISTENS
INEBRIANTIA,
QVAM
CONSENS. EXPERIENT. FACULT. MEDICÆ
IN ILLUSTRI LYCEO UPSALIENSI,
PRÆSIDE
VIRO NOBILISSIMO ATQVE EXPERIENTISSIMO,
DN. Doct. CAROLO
LINNÆO,
EQUITATE AURATO DE STELLA POLARI,
S:Æ R:Æ M:TIS ARCHIATRO,
MEDIC. ET BOTAN. PROFESSORE REG. ET ORD.
ACAD. SCIENT. UPSAL. HOLM. PETROPOL. BEROL.
IMP. NAT. CUR. LONDIN. MONSPEL. TOLOS.
ET FLORENT. SOCIO.
PUBLICO EXAMINI DEFERT
OLAVUS REINH. ALANDER,
WESTMANNUS.
IN AUDITORIO CAROL. MAJ.
AD DIEM ANNI MDCCCLX.
H. A. M. S.

UPSALIÆ.

A
MONSIEUR

MARTIN LOUIS ÖRNSCHOLD,

LIEUTENANT d' Infanterie, SEIGNEUR des
forges de Carmansbo & des terres d'Eknö.

MONSIEUR,

A près avoir honoré de Vos bonnes graces, depuis si long tems, celui à qui je dois la vie, Vous trouverez, j'espere, tout naturel, que la confiance en
Votre

Votre bonté; aussi bien que le respect qui
en est inseparable, passe de Pere au fils.
Dans cette douce pensée, Monsieur, je ne
faurois craindre de Vous deplaire, en met-
tant Vtre Nom à la tête de ces feuilles,
les premices de mes études académiques.
Permettez qu' elles marquent, à quiconque
les veut du moins regarder, les respectu-
eux sentimens de mon cœur, & le par-
fait devouement , avec le quel je serai
toute ma vie

MONSIEUR

*Votre tr's humblr & très
obeissant serviteur,*

OLAVE R. ALANDER.

BRUKS-PATRON vid Persbo och Præsthyttæ
Bruk,

Herr PETTER ECKMAN,

HANDELSMANNEN i Stockholm,

Herr ISAAC WESTBERG,

TULLFÖRVALTAREN vid stora Sjötullen
i Stockholm,

Herr PETTER TÖRNGREN,

SKIEPS CLA

Herr PETTER

MINE GUNSTIGE HERRAR

Med desto större fog har jag låtit teckna Edra
ta mitt lilla Academiska arbete, som J al-
hets prof emot mig alt ifrån de spådaste åren
räknas eller nog värdigt omtalas. Uptagen der-
täck af min årkånslo-fulla välmening och en för-
alt framgent innesluter sig i Eder vanliga gunst.
nen för Edert väl upsfända trogna fuckar, under
lefva

MINE GUNSTIGE HERRARS

Odmiuke
OLOF REINH.

KYRKIOHERDEN
Herr Mag. OLOF ECKMAN,
HANDELSMANNEN i Stockholm,
Herr PETTER REINKE,
RÅDMANNEN i Köping,
Herr ISAAC ECKMAN,
RERAREN,
ALANDER,
MORBRÖDER OCH FARBRÖDER.

vårda namn, Mine Gunstige Herrar, framför det-
tid tagit en óm dehl i min vålgång. Edra Huld-
åro flera och större, än at de kunde af mig up-
före, Gunstige Herrar, detta endast såsom en
säkran om min beständiga undergifvenhet; som
Jag skal emedlertid aldrig tröttta att til Försy-
dett jag har den Åran att med vörtnad fram-

MORBRÖDERS OCH FARBRÖDERS

Zjenare
ALANDER.

Då. Förstlingen. Frambåres.

För. Min. Fader.

Rådmannen. I. Köping.

Herr. MARTIN. ALANDER.

Tolke. Skrift. Denna.

Min. Tacksämbet.

Mot. Básta. Vålgörare.

Min. Önskan.

Om. Lif. Och. Vålsignelse.

Min. Föresats.

At. I. Vårket. Vara.

Dess. Lydigste. Son.



D. D.



Corpus humanum duabus constat partibus, ex *systemate nervoso*, cerebro nempe cum medulla oblongata & nervis, atque ex partibus solidis fibrosis & fluidis in his contentis. Fluida & solida hæc illis nutrimenta præbent illæ vero his vigorem, motum & actionem subministrant. *Ingerenda* prout suis quodque qualitatibus in utrasque agunt, atque ut animalia selectum faciant ingerendorum, ad ipsum aditum collocata sunt organa gustus & olfactus, quibus sapida & odorata sollicite discernant. *Sapida* agunt in fluida & solida eaque variant, non vero *systema cerebri*. *Odorata* volatilia agunt in cerebrum, sed solida & fluida, ceteris paribus, non mutant, nisi mediate ciendo motum in *systemate nervo*. Mirum Naturæ est phænomenon, quod, ubi Dulcia aut Acria, Acida aut Amara, Viscosa aut Salsa, Pingvia aut Stiptica, Aquosa aut Sicca ingerimus, ne minima quidem in cogitationibus nostris oriatur variatio; ubi vero volatilia:

fra-

Fragrantia aut Tetra aut spirituosa adsumimus, de omnibus fere aliter, quam antea, judicamus. Posterior hæc actio valde nobis obscura est & explicatu difficultis, quum Physiologi nondum satis explanate definire valuerint actiones systematis nervosi; si vero a posteriore procedimus & effectus inebriantium experientia duce examinamus, phœnomena comprehendimus maxime admiranda.

§. I.

Inebriantia vulgo dicuntur ea, quæ ita agunt in sistema nervosum, ut hoc non tantum in actione Motus, sed etiam in actione Sentiendi varietur. Quæ hoc efficiunt, particulæ sunt subtilissimæ & levissimæ, utpote quæ ex vegetabilibus quasi per halitum descendant, vel arte chymica fermentando maxime subtilitatæ sunt & spirituosæ vocantur. Quomodo hæc nervos adficiant & excitent quotidiana ostendit experientia in iis, qui deliquio corrupti mortuis jacent similes, sed admoto naribus spiritu salis amoniaci vel aceto aut vino, vel etiam plantis fragrantibus, ab orci faucibus quasi revocantur, dum nudi in sinu frontis nervi a spirituosis vivificantur & extimulantur. Pari modo ubi pars aliqua corporis contusa, sugillata aut inflammatæ est, resolventia adplicant Chirurgi, quæ spirituosa sunt aut fragrantia volatilia, quæ suo halitu corpus intrant, nervisque semimortuis vitam inflant, quo fit, ut actio vitæ in ea parte sanitatem restituat; contra, si quis vehementi dolore aut constanti pervigilio laborat, Medici tetra propinan, ut

papa-

papaverina, vel ea etiam externe adplicant, ut Anethum, Crocum, Myristicam, ad producendum somnum.

§. II.

Verum latior se heic aperit campus, quam ut eidem emetiendo par forem, si exempla, quæ ex cogitari possunt, omnia fecutus, cunctos ejus recessus lustrare vellem. Suffecerit mihi in præsenti paucis considerasse effectum mirabilem, quem producunt inebriantia proprie sic dicta. Nullæ ferre nationes destituuntur inebriantibus, quibus lasati, enervati, tristes, remissiores animum solari corpusque reficere solent. Hæc vires tum corporis, tum animi cito reparant, id quod tardius & nec sine ambagibus esculenta efficiunt & ne sic quidem adeo sufficienter. Quamprimum enim inebriantium aliquod sumitur illico vires augescunt, cor pulsat alacrius, lassitudo perit, corpus incalescit, animus fit lætior & ad res gerendas promptior.

§. III.

Nos Europæi diæteticce potissimum utimur inebriantibus fermentatis, ut Cerevisia, Vino & Spiritibus destillatis, ubi pharmaco ejusmodi gratum conciliare saporem studemus. Aliæ autem gentes, in primis orientales, inebriantibus maxime deditæ, vehiculum minus curant.

NATIVA inebriantia plurima quidem cognita sunt, sed plura tamen adhuc ignota, quæ in plerisque plantis tetris inveniuntur.

a) **OPIUM** est succus lacteus, a sole inspissatus, ex

fauciatis immaturis capsulis *Papaveris somniferi*, quo propter opio conseruntur agri in regno Turcico & vicinis terris. Turcae olim hoc magis quam hodie ab*nisi* sunt, qui id a grano ad drachmam usque sumunt, prout longiori usu in conservudinem cessit naturalem. Hoc pellit curas, mœstiam & periculorum metum, excitat hilaritatem, risum, obliionem, stultitiam, furorem, quam ob rem etiam Imperatores eorum s̄epe militibus in aciem educendis, drachmam opii viritim præbent, ut hostem imperterriti adgrediantur. Justo autem major dosis si accipiatur, pupillæ dilationem, ruborem faciei, balbutiem, singultum, maxillæ relaxationem & alia ejusmodi mala gignit. Qui Pharmacô hoc heroico diu abusi sunt, hebetes inde fiunt, incurii, stupidi, elingues, macilenti, melancholici, tremuli præcoci senectute; sed rationi convenienter usurpatum heroicum est medicamentum & diætetice recreat validius, quam ullum aliud hue usque cognitum, nec alio pharmaco perfectiore pacem umquam expertus est *Jones de opio*.

b) PEGANUM *Harmalæ*, cuius semina in foris *venalia* assumunt Turcae, inebriant, Auctore Bellonio in itinerario, qui refert Imperatorem Solimannum vesci semine solitum (Teste Jovio), ignorans quale esset, quod voluptatem adferret rerumque molestarum memoriam tolleret. Ex hoc semine forte Bolus erat, quem Kæmpherus apud Persas in convio assumpsit, unde gaudio inexpleibili, quali antea nunquam, implebatur, inde amplexus,

plexus, rifus, jocusque &c. at finita cœna, dum adscendisset equum, virtus aliam ideam ipsius cerebro inplantabat, haud aliter ac si Pegaso insidens volitasset per nubes & coloratissimos Iridis arcus, ac si cum Diis cœnasset; crastino die oblitus gestorum omnium.

c) MASLAC Turcarum seu *Bangve Persarum* conficitur ex *Cannabis sativæ* maris polline cibrato & cum sputo in trochiscos redacto, vel sequenti modo: Rec. Foliorum Cannabis contus. M. ij, a funde aquam frigidam in vase clauso, exprime parum, iteretur, nova aqua adjiciatur, pulvis lavatus effundatur in vas testaceum non crustatum, agitetur pistillo paulatim affundendo aquam recentem continuo rotando; hic liquor filtretur per linum & servetur colatus virescens. Hic ad libr. 3 propinatus facit hilaritatem cum temulentia.

d) BANGVE Indorum ex *Hibisci Sabdariffæ*, (teste Hermanno in Mater. Medic.) foliis pari fere methodo conficitur, vel etiam folia hujus in pulverem teruntur, qui elixatur cum Oryza & butyro in eundem finem.

e) DATURÆ seminibus multum Turcæ abutuntur, cujus plures sunt species, quæ ad effectum variant, & certo modo propinata eam adferunt sumentibus stupiditatem, ut ad sceleræ quæ patrantur, animum non attendant, nec, sobrii facti, eorum recordari queant, & quamvis fur, domino spectante impudenti rapina peram spoliaret, is tamen hoc veneno inebriatus

injustum hoc esse non intelligat, nec postmodum in hujus rei memoriam in animum revocet, & adulteri ipsi spectantibus maritis, thalamum fœdare audeant, ab ira illorum pariter ac memoria securi. Meretricem fuisse ferunt, quæ seminis hujus infuso nobiliores intoxicauerit puellas & salaces admiserit juvenes, unde secuta conceptio virginibus plane ignoratis, anicula vero, re comperta; vivi comburio justas dedit pœnas.

f) PINANG *Indorum Masticatorium familiare* conficitur ex foliis *Piperis* in cucullum convolutis, quibus inditur nucis *Arecæ* immaturæ lamella cum momento *Calcis vivæ*; hoc Masticatum prolicit salivam, corroborat gingivas, tingit dentes rubros, os grato halitu commendat; immatura nux *Arecæ* cerebrum leviter inebriat.

g) HYOSCYAMI *nigri* radices sæpe verno tempore inter pastinacas lectaæ atque comestæ homines ebrios, stultos, furiosos, diverso modo, prœcujusque indole, fecerunt.

b) HYOSCYAMUS *Physaloides*, qui crescit in Asia orienti, misceri poterit potionē quacunque, & qui hujus infusum biberunt, temere effutire dicuntur, quod quisvis eos interrogaverit, etiam si maxime id arcanum foret, ex relatis auctoris Heintzellmanni.

i) *BellaDonna*, *Atropæ species virosa*, elusæ multoties pueros Baccarum avararum, qui comestis fructibus furibundi, tanquam ab *Actæa* baccis, insonaverunt.

k) MIL.

k) MILLEFOLIUM cum Humulo cerevisia^e injectum, reddit cerevisiam inebriantem & potatores fere insanos. *Flor. Svec.* 2. n. 770.

l) SCLAREA & MELISSA in eundem effe-
ctum cerevisiae infunditur a Germanis & Anglis.

m) CROCI vis l^atificandi & risus assiduos ci-
endi antiquissima est & nobilissima, etiam ex obser-
vationibus recentiorum.

n) LOLIUM annum, Hordeo immixtum pro
cerevisia confiscentia, potatores scotomos, stultos &
temulentos reddit.

o) TABACUM ab infvetis in fumo haustum
vertiginem, temulentiam aliaque incommoda af-
fert, ut vulgo notissimum.

p) BARBI Cyprini ova comesta facere temu-
lentiam, nec non titubationes, testantur autores,
sed cum h^aec nobis peregrina ea missa facimus.

§. IV.

ARTIFICIALIA inebriantia sunt spiritus qui-
unque, fermentando producti ex plantis, alioquin
minime inebriantibus.

q) CEREVISIA quævis ex Hordeo aut Tritico,
similibusque seminibus cocta & fermentata frequens
est Europæis.

r) VINUM est succus e baccis Vitis aut aliis qui-
buscunque fructibus carnosis expressus & fer-
mentatus; huc pertinet etiam *CEDRA* e Malo, *Pyro*, *Pru-
no*, *Sorbo*, *Cratægo*, *Oxyacantha*, *Myrto*, *Corno*,
Moro, *Punica*, *Ficu*, *Rhamno*, *Loto*, *Ceratonia*,
Anacardio &c. **LACRYMÆ** *Betulæ*, *Palmæ* &c.
fermentata.

s) SPIRITUS destillati ex fructibus, in primis e plantis odoriferis, prævia semper fermentatione.

§. V.

Aetio ejusmodi spirituorum tam admiranda est, quam eximia, id enim efficiunt, quod aliud quocunque efficere nequit: recte vero si adhibita fuerint, nihil quidquam illis comparari potest; hinc Poëtae etiam mystice eadem descripsérunt.

NECTAR Deorum potus caute bibendus est, ubi horripilationes, lassitudines, tremores, immocuras, melancholiā, mœstiam fugat; auget appetitum, digestionem, circulationem, somnum, calorem, colorem, hilaritatem, ingenium; intemperantius vero si bibatur, musculi non auscultant, sed vacillant & tremunt; risus copiosus; objecta duplicantur, loco non suo sistuntur, longius seu proprius justo locantur; modum omnem si transfilias, importabit stultitiam, balbutiem, singultum, vomitum, sopores, apoplexiā, donec membra, loquela, actiones humanæ cessant & lœsiones gravissimæ non sentiuntur.

NEPENTHES nobile, oblivionem tristitiae veniamque adferens. Plin. hist. mund. XXV: II. potus fuit veteribus ejusdem naturæ cum nostris inebriantibus, & aliquod forte eorum. Cum Regina Helena, amissō regno, conjugē, liberis bonisque omnibus, ad Regem Ægypti *Protheum* pedibus veniret, seque omnium miserrimam esse quereretur, nec solatium admitteret ullum, corpus ejus balneari aqua lavandum curavit & nepenthes

thes non nihil ipsi propinavit, unde doloris illa
oblivisci, fluxa & inania mundi contemnere, jo-
cari & ridere cœpit. Homer. Odyss.

*Nepenthes statim injicit medicamen Jaccbo,
Iræ cunctorumque malorum oblivia ducens.
Hoc si quis mixtum Cyatho persumserit, ille.
Luce ista nunquam lacrymas effundat obortas,
Non si vel facto genitor decedat uterque
Nec fratrem natumque vigentis cuspidi ferre
Ante oculos si transfigat truculentior hostis.*

MEDEA Æsonem, senio confeatum, hoc forte,
nec alio, usa medicamento ad juvenile revocavit
robur.

CIRCE, quæ socios Ulyssis mutavit in sues &
alia bruta, describitur a Poëtis ad pingendam ebri-
etatem in gente medicatis poculis non adsueta, qua
capti brutorum instar sordide agebant, de itinere
perficiendo parum solliciti. Ulysses autem Allio
five Mercurii Moly præmunitus inebriationem vi-
tavit.

§. VI.

METEMPSYCHOSIN seu transmigrationem
animarum credebant Pythagorei, atque etiamnum
credunt, qua statuitur animam, corpore egressam
humano, aliud intrare animal, eo momento natum,
atque tandem post varias migrationis vices in ho-
minem redire, unde quoque summa carent reli-
gione, ne vel ab ipsis vel ab aliis, ullum animal,
immo ne minutissimum quidem insectum, necetur,
verentes ne forte parentum aut majorum anima
ibi

ibi jam suam habeat sedem. In hanc forte opinionem eo inducti sunt, quod cum aliis multis, illis, imprimis qui humanas pingunt formas, singunt in humana facie expressam cerni posse alicujus bruti similitudinem velut leonis, tigridis, ursi, canis, accipitris &c. quæ theoria diu regnavit apud veteres *Physiognomistas*, qui forte credebant, externum hunc oris habitum dependere ab anima, quæ ab animali ejusmodi transmigrasset in hominem.

ALCHYMISTÆ veteres *Panaceas* suas, senibus juventam reddituras, multum jactaverunt: si quid vero hujuscce virtutis confici poterit, hujus id oportet esse generis. Et sane si efficere possumus, ut, reducto sene, limina sepulcri calcante, ad gradum juvenis, hic effectus persisteret, neque, ut vis hujus æque ac potus ipse, foret volatilis, scopus hunc essemus affecuti, quem sub hac saltē hypothesisi possibilem videmus; unde etiam concludimus, sene&tutem non tantum consistere in rigiditate solidorum, sed potius in laxitate & atonia systematis nervosi.

SCALA ÆTATIS VII constare statuitur graduibus:

<i>Senectus</i>	frigidus, tardus, oblivious, abstemius, tristis.
<i>Vir</i>	temperatus, robustus, sapiens, moderatus, tranquillus.
<i>Juventus</i>	calens, vigorosus, ratiocinans, pectorator, hilaris.
<i>Adolescens</i>	transpirans, agilis, garrulus, libidinosus, jocans.
<i>Puer</i>	crepens, cursitans, memor, famelicus, ludens.
<i>Infans</i>	sudans, labens, balbutiens, flultus, mutabilis,
<i>Embryo</i>	balneans, natans, stupidus, dormiens, innocens.

Quod

Quod si seni dederis Medeæ pharmacorum haustus aliquos, videbis eum per eosdem, quibus adscenderat gradus, retro ferri, donec in imo subsistens repuerascat.

§. VII.

Ut Physici veritates suas experimentis superstruunt, sic Medici quoque suis placitis experientia & observationes substernunt. Ut igitur vivis coloribus depingatur miraculosus inebriantum effectus, lectores in theatrum ejusmodi deducere lubet, ubi suis oculis effectum videant. Itaque sequamini L. B., quæso me ad Sellam vinariam. Heic extra portam offendō Senem optimum N. N., in amplexus ejus ruo, & quod me pridem prolixè exceperit, gratias ago, meque in eo esse significo, ut eum invisam. Rogo ergo, dignetur in domum proximum mecum intrare ut ibi sermones conferamus familiares. Is quærerit, quænam sit domus: respondeo, *Bacchi templum* esse, quo ex suspensa constat hedera effigiem includente obesi *Bacchi* cornibus coronati, pedibus hircinis ocreati, dolioque insidentis vinario. Senex meus sistrum claudens latus ægre sequitur me in secretum *Bacchi conclave*, ubi soli considere possumus familiariſſime confabulaturi.

Ingressus, senem fessum sedere jubeo, qui annis, curis, laboribus, morbisque confectus, nuntante capite, tremulis manibus, langvente animo & stillante naso quiescit. Quæro quid novi ex Africa & relationibus publicis? respondet diu jam

C

esse,

esse, quum nullas legerit ejusmodi relationes, quod nihil nisi mala contineant, utpote horrendas bellorum procellas, vastationes terrarum, hominumque innocentium indignas neces.

a) Cellariam voco Medeam Nectarum Liquorem poscens, quo Æsonem grandævum in juvenutem restituit, unde suum cuique nostrum impletri jubeo poculum. Senex bibere abnuit: sed doceo hoc nectar illa ætate ei non nocere, sed potius parce adhibitum cordiale esse præstantissimum, inque ejus sanitatem totum ebibo; ille demum post multas preces suum vicissim haurit. Octava vix horæ pars inter fabulandum effluxit, quum nasus, senis siccatur, caput & manus firmantur, animus exhilaratur & ruga senilis perit, paucis: de septima scala ætatis in *sextam* descendit, & de bello quod Europam jam miscet, loqui incipit, memorans quam optabile foret ut belligerantes nationes pacem facerent, quum bellum dudum & terras cibibus & æraria opibus exhauserit, omniumque rerum pretia mirum in modum auxerit.

b) Rogo Medeam, ut pocula adhuc impletat suo nectar atque in uxoris ejus honorem meum ebibo Cyathum; primum renuit, dictans unum hoc poculum sibi sufficere, nec conservasse se plura bibere; sed precibus adactus, ut pro hoc saltē scypho gratias agat, iterum se pleno proluit poculo. Tum vero video genas senis palentes modico suffundi rubore, mentem & judicium firmari, corpus incalescere, animumque læta excitari alacritate.

te. Ambulat & differit de strenua Regis Borussiae fortitudine & Imperatoris Daunii lentis quidem, sed cautis molitionibus: addit hoc vinum esse admodum generosum & præstantius, quam quod in cœnopolis vulgo vendi solet; jam enim ad *quiñtum* descendit gradum.

c) Medea tertium infundit poculum (ego meum jam & deinceps aqua impleri jubeo) senex se modici Bacchi munera transfilire dicit, sed raro vinum tam excellens sibi offerri, atque adeo pa. rum interesset, plus an minus bibat. Fausta quævis familiæ ejus precamur, senex incalescit, lœta- tur, totius belli decursum & bellantium commoda edifferit, ambulat alacriter cumque ancilla jocatur; jam enim dudum in *quarto* est gradu.

Unum adhuc poculum bibimus in memoriam amicorum absentium, & fatetur senex vinum per aliquot annos sibi non tam sapidum fuisse, narrat fata suæ juventutis & lusus, qui placuere quondam, loquitur indefinenter, sed non nisi de rebus ludicris & jocosis, ne momento quidem quiescit, & facies jam plane rubet, nam *tertium* in descensu jam attigit gradum.

d) Addit puerilla poculum quintum, in fausta rerum bonarum omnia exauriendum; senex vero, hoc e poto sedere præoptat, titubat gressu, hæsitat sermone, cui jam ordo nullus, nam in *se- cundo* jam hæret gradu.

e) Ancilla poculum gratiarum agendarum adfert, quod statim ebibitur; senex pallescit, mutus sedet,

sedet, dein supinus labitur, &, quæ bibit, vomitu reddit, ut manibus sit domum portandus, caret enim sensu, voce, nec stare nec ulla ratione se regere ipse potest, quia jam **primum** tenet ætatis gradum.

Ulterius ad dexteram in vestibulo partem conversi, **Theatrum** Bacchi publicum ingrediamur, quomodo heic sacra ejus celebrentur visuri; sed audio extra fores boatu, hinnitu, strepitu, grunnu intus tecta personare. Furtim ergo & simulanter intremus & consistamus post aulæum, ne lacerantibus prædæ simus bestiis. Videmus heic omnes mensæ maximæ circumfidentes, a domina Circe, quæ in pavimento spatiatur, in bruta esse commutatos, ut, præter figuram externam, vix humanæ naturæ pristinæ sit reliquum. Assident duo Musici ludentes: Alter Ovidius audit, canens:

*Vina parant animos, redduntque laboribus aptos,
Cura fugit multo diluiturque vino.*

*Tum veniunt risus tum pauper cornua sumit;
Tum dolor & cura rugaque frontis abit.*

Alter Horatius canit:

*Tu semper reducis mentibus anxiis
Viresque, & addis cornua pauperi.
Post te neque iratos trementi
Regum apices, neque militum arma.*

Qui mensæ præsidet commutatum videtis in EQUUM ferocientem, qui elato collo & lato petore ceteris præstare sibi videtur, vehementi catchinno hinnitum referens.

TAU.

TAURUS alter truci vultu est, qui, demissa
coma, transversa tuetur, malumque obmurmurat.

SUS tertius est sine modo bibens, & quidquid
adponitur in se profuse ingurgitans.

CANIS evasit quartus in angulo sedens, im-
muñdus vomitu se ac socios conspurcans.

GALLINACEUS factus est quintus, qui se
jaetat & res suas gestas, suaque merita superbe &
sine fine decantat.

PSITTACUS garrulus est sextus, qui sine mora
interjecta, de se & aliis loquitur ignota pariter ac
cognita, etiam quæ fileri debent, incaute effutiens.

PHILOMELA septimus incestas Bacchi & Ve-
neris cantilenas modulatur & nullum sibi vocis sva-
vitate parem judicat.

CUCULUS illusorius octavus alios alto spernit
supercilio, ipfis licet ne hilum quidem prudentior.

FABANUS nonus est factus, huc illuc circum-
volitans omnium impetit nasos, omnes hunc pugnis
petunt, & e re est, ut quisque sibi caveat, ne vul-
neretur; modum enim impudentiae nescit.

In **HIRCUM** commutatus est foetidum deci-
mus, cellariam insequens. Alios tandem recensere, ut-
pote qui tot diversa referant bruta, quot fere diver-
si sunt homines; mænas cellaria clamat interim &
urget, tempus esse, ut *sacramentum* dicant Bac-
cho in perpetuam hujus festi diei memoriam: hinc
omnes loco suo moti in genua se provolvunt, ipsa
argumentum Scyphi proponit, jubetque ut omnes
hi compotores & orgiorum socii, *fraternitatis no-*

mine & vinculo conjungantur, qui vero, pergit,
a nobis dissentire audet is ad necem usque verberabitur, potentibus his illa canit:

Nox & amor viuumque nibil moderabile svadent.
Fabula finitur exodio, quod orgia Bacchi dicitur;
sunt enim, qui putent infra dignitatem esse fraternitatis sacramento se Baccho obligare, in memoriam sordium perennem. Hinc extinguuntur candelæ, prosternuntur mensæ, tolluntur sellæ, franguntur fenestræ, omnes in unum coëunt, pulsant, lacerant, mordent, conculcant se invicem, vulnerantur corpora, scinduntur vestes, excitatur clamor, execratio, lamentatio, livor, vulnera, sanguis, vomitus; Demum omnes conjiciuntur foras, domum aut in carcerem per vim deportantur; mane sequenti evigilant corpore vulnerato, facie lacerata, vestibus vomitu conspurcatis, crumenæ vacua, manibus tremulis, capite dolente, fauibus aridis, corpore febricitante, animo melancholico, tristi præteriorum memoria, jamque plane aliud cogitantes, quam proxima vespera.

§. VIII.

Systemate norvoſo intelligimus Cerebrum cum Medulla eorumque processus Nervos. Systemate Nervoso differunt Animalia a vegetabilibus. Hæc Animalia Sensu & Motu gaudent, quibus vegetabilia destituuntur, ergo & hoc a systemate eorum nervoso.

Insipida & sapida mere talia ut Dulcia f. Acacia, Acida f. Amara, Viscosa f. Salsa, Pingvia f. Stiptica

Stiptica ne quidquam mutant in sensibus & motu Animalium, at odorata, ut volatilia & Spirituosa, unica sunt, quæ hæc in Animalibus mutant, adeoque & in Systema nervosum agunt. Hæc Syncope correptos ex orci faucibus eripiunt, ut spiritus fali Amoniaci, Acetum, Vinum fragrantia; Tristes, Hilares, & Lætos faciunt, ut Crocus, Horminum, Melissa. Lasso refocillant eisque vires addant ut vina. Timidos audaces faciunt, Torpidosque excitant, rigidosque agiles reddunt ut Pocula. Frigidos calefaciunt pulsu citatiore, transpiratione reliquisque secretionibus auctis; immo stupidos & oblivious memores & ingeniosos redundunt.

Sene&tutem a sola rigiditate solidorum derivant non pauci. At quum spirituorum effectus reddit ætati amissam promptitudinem, hilaritatem, libidinem, memoriam &c. inde constat senium ejusque calamitates potius in systemate nervoso, quam in solidis querendas.

Hæc ergo Medicamenta Diætética ut refocillant corpus & animum, ita in his variæ nationes solarium non raro quæsiverunt. At vero ut horum natura volatilis est, ita & eorum effectus volatilis & monentaneus; quem Mercurium volatilem, si quis mortalim figere posset, crederet se merito verum lapidem Philosophorum veramque Panaceam detexisse; at frustra hoc in hunc usque diem quæsivere mortales, & forte semper quærant.

Ut

Ut horum vis cogit magis vel minus sistema nervosum ad contractilitatem, ita etiam cessante eorum effectu, reddit sistema nervorum in posterum magis debile, veluti tendo nimis tensus dein laxior evadit; hinc qui ejusmodi heroicis saepius abutuntur & procellis ebrietatis sese exposuerunt, tremuli & infirmi evadunt ante annos, ut quoties novo inebriantum non excitantur imbre, langvent inde viscera debiliora, ut suas functiones non peragant nisi novo proluuantur imbre, immo ad omnia obeunda munia inhabiles ipsi evadunt, atque ideo pharmacum hoc repetere coguntur, ut illis carere prorsus nequeant, quemadmodum refert Boerhave comment. 2. P. 137. *Qui poculis indulgent, his fatalis necessitas oritur ea repetendi. Non absque summa commiseratione vidi juvenem, qui mane ex parte factus erat pallidus, genis pendulis, manibus tremulis, contremiscebat palpitatione cordis, nullum fere membrum movere poterat, multo minus vestes induere nisi prius aliquot uncias spiritus sumeret; dum huic necessitati obliuiscatur in syncopen incidebat, ut invitus cogeretur illo uti, donec in flore aetatis periit.*

Agunt adeoque haec inebriantia uti ignis potentialis, qui in gradu 1. favet, 2. calescit, 3. urit, 4. comburit. Vini Rhenani Cyathus merito cordiale heroicum audit, at Alcoholis seu spiritus ejus dephlegmati Cyathus lethale venenum & extemperaneum evadit. Hinc idem medicamentum ratione doseos roboret & debilitat, vigilias exci-

excitat & somnum inducit, vitam excitat & suffocat, contrario effectu.

Abusus itaque horum deleterius est & præcoccum senectutem adfert, ut raro videoas eos, qui spiritibus destilatis fortioribus abutuntur ad quinquaginta annos pertingere, plurimos vero debiliori ejusdem spiritus specie usos forte hanc annum superare metam.

§. IX.

*Qui fragilem longe cupimus perducere vitam,
Luxuria vita cur breviamus iter. OVENUS.*

Sed tædet atque etiam pudet considerantem quam misera & detestabilis sit consuetudo rationalis hominis, qui hunc liquorem ingurgitando amat exuere nobilissimam conditionem humanam & in Bruti speciem transmigrare, quare etiam Salvator ipse Matth, XXI. Attēndite vobis ne graventur corda vestra crapula & ebrietate. Et Salomon Prov. XXIII. ubi vœ? ubi dolor? ubi rixæ, ubi querela? ubi sine ceussa vulnera? ubi rubedo oculorum? nempe illis, qui sectantur vinum & student calicibus epotandis. Ne intuearis vinum quando rubet, cum splendet in vitro color ejus, ingreditur blande, sed in novissimo mordet ut Dipsas & sicut Hæmorrhous venena fundit.

Sed hoc argumentum e cathedra nostra ad Theologorum remittimus, quamvis plures hujus

D

ignis

ignis liquidi abusu, quam fati lege succubuerint;
in memoriam tantum revocantes verba Alleni.

*O beatam temperantiam, nunquam satis laudandam, nunquam satis admirandam, primæve
ætatis, quam fecisti decus & tutamen, tui ipsius
svadelam utique es, & pretium, lœtis aliquando
Saturni temporibus visam, puris piisque animis
anni ævo cultam usque & colendam, tu recta tuos
ducis cultores ad longam, nec non jucundam sene-
ctutem; vultu placido juvenili & grato. Tu deni-
que tuis ipsius laudibus ornaris & amabilis ab ipsis
dicaris virtutem hanc videant contabescant-
que relicta.*

S. D. G.

